



Descripziun da la Gruppa svizra da silvicoltura da muntogna (GSM)

Intent

La Gruppa svizra per la silvicoltura da muntogna (GSM) es üna uniun dad experts da gods da muntogna sainza fuorma giuridica. La gruppa dad experts ha l'intent da promouever üna cultivaziun perdüraivla dal god da muntogna, resguardond ils interess da la società. Priorità han ils effets dal god süls privels da la natüra e la cultivaziun dal god da protecziun.

La Gruppa per la silvicoltura da muntogna ha ils seguaints böts:

- Scolaziun e perfecziunamaint dals indschegners forestals e dals silvicultuors, chi s'occupan dal god da muntogna
- Barat da cugnuschentschas ed experienzas tanter la perscrutaziun, l'instrucziun e la pratcha, schi fa sen eir sün nivel internaziunal
- Promover e dar inavant las cugnuschentschas e las experienzas silviculturalas dal god da muntogna ("memoria collectiva")
- Collavuraziun cun otras gruppas da lavur chi sun activas sül chomp god da muntogna, sco ils Experts svizzers per privels da la natüra (FAN), la Gruppa da lavur god e sulvaschina da la Società forestala svizra, la Plattafuorma naziunala per privels da la natüra (PLANAT) e la Conferenza dals silvicultuors chantunals (KOK)
- Fuormaziun d'opiniun davart temas professiunals e politics actuals chi pertoccan il god da muntogna
- Collavuraziun pro'l svilup d'instrumaints d'applicaziun i'l god da muntogna e da protecziun
- Sustegn e partecipaziun a progets da perscrutaziun chi sun relevants pel god da muntogna
- Activitats da lobbying e cussagliaziun da persunas chi decidan, per exaimpel tras la Conferenza dals silvicultuors chantunals (KOK) e la Conferenza per god, sulvaschina e cuntrada (KWL)

Temas

La Gruppa da silvicoltura da muntogna s'occupa da tuot ils aspets da la cultivaziun dal god da muntogna, priorità han ils effets cunter ils privels da la natüra.

Il focus as drizza sün seguaints chomps:

- Cultivaziun dal god da protecziun (eir in regiuns plü bassas)
- Silvicoltura chi tegna quint dal müdamaint climatic
- Silvicoltura chi resguarda la natüra i'l god da muntogna
- Tipologia dal god da muntogna
- Optimar la silvicoltura, la tecnica dals prozess (cultivaziun dal god, racolta da laina, avertüra generala e detagliada) ed aspets economics
- Temas actuals (p.ex. revisiuns da ledschas ed ordinaziuns relevantas)

Commembers

Ils commembers da la Gruppa da silvicoltura da muntogna sun rapreschantantas e rapreschantants dad organisaziuns cun üna relaziun directa als temas principals da la gruppa. Las organisaziuns pon propouner üna rapreschantanta o ün rapreschantant. La commembranza illa Gruppa da silvicoltura da muntogna es liada a la funcziun illa organisaziun correspudenta. Scha la rapreschantanta o il rapreschantant banduna la funcziun in sia organisaziun, vegn el/ella per regla exclus/a da la Gruppa da silvicoltura da muntogna. Commembers d'onur e presidents d'onur pon restar illa Gruppa da silvicoltura da muntogna eir davo chi's han retrats da lur funcziun.

Cumposiziun

La Gruppa da silvicultura da muntogna as cumpuona da rapreschantantas e rapreschantants da sequintas organisaziuns:

- Servezzans forestals dals Chantuns svizzers (per regla 1 - 2 commembers tenor la grondezza dal Chantun)
- Servezzan forestal da la Viafier federala svizzra VFS
- Uffizi federal da l'ambient UFAM (Divisiun gods, Divisiun prevenziun da privels e Divisiun spezchas, ecosistems e cuntradas)
- Scoula politecnica federala, SPF Turich, professura ecologia da god
- Scoula ota da ciencias agronomas, forestalas ed alimentaras HAFL, departamaint ciencias forestalas
- Centers da fuormaziun pel god a Lyss e Maiavilla
- Center per la silvicultura da muntogna Maiavilla
- Center per la silvicultura Lyss
- Insitut federal da perscrutaziun per god, naiv e cuntrada WSL, Birmensdorf
- Organisaziuns na guvernamentalas cun üna ferma relaziun cul god da muntogna

Per avair bunas relaziuns cun otras gruppas da lavur chi sun activas i'l chomp god da muntogna sun rapreschantadas sequintas organisaziuns illa Gruppa da silvicultura da muntogna:

- Il respunsabel da l'agiunta da la Conferenza dals silvicultuors chantunals (KOK) pel ressort god da protecziun e privels da la natüra es commember da la suprastanza da la Gruppa da silvicultura da muntogna
- Ün commember da la PLANAT, Plattafuorma naziunala per privels da la natüra, es commember da la Gruppa da silvicultura da muntogna
- Ün commember da la Gruppa da silvicultura da muntogna es medemmamaing commember da la suprastanza da la Società forestala svizzra

Per cultivar ils contacts internaziunals es per regla ün commember da la sequintas instituziuns eir commember da la Gruppa da silvicultura da muntogna:

- Servezzans forestals dals pajais vaschins (Principadi da Liechtenstein, Baviera, Vorarlberg, Tirol)
- IRSTEA, Institut national de recherche en sciences et technologies pour l'environnement et l'agriculture, Frantscha
- Bayerische Landesanstalt für Wald und Forstwirtschaft in Freising

Inplü fan part a la Gruppa da silvicultura da muntogna specialists tschernüts da gestiuns forestalas e da l'economia privata.

Incumbenzas dals commembers

La Gruppa da silvicultura da muntogna viva da l'ingaschamaint da seis commembers. Dad els vain aspettà:

- Participaziun regulara ed activa a las occurenzas da la Gruppa da silvicultura da muntogna
- Mediaziun da las cugnuschentschas acquistadas a las occurenzas da la Gruppa da silvicultura da muntogna in lur sfera d'influenza, per exaimpel in fuorma da cuors
- Rapreschantaziun da lur regiun, da lur servezzan, da lur institut da perscrutaziun o da lur institut d'instrucziun illa Gruppa da silvicultura da muntogna

- Occasionalmaing colavuraziun a l'organisaziun dad occurenzas da la Gruppa da silvicultura da muntogna
- Collavuraziun in gruppas da lavur e pro la redacziun da posiziuns

Direcziun da la Gruppa da silvicultura da muntogna

La Gruppa da silvicultura da muntogna vegn manada dad üna suprastanza. Ella consista da seguaints funcziunaris:

- President-/a, per regla la rapreschantanta o il rapreschantant d'ün servezzan forestal chantunal
- Secretari-/a, per regla il/la manader-/dra dal Center per la silvicultura da muntogna (chaschier)
- Actuar-/a
- Ulteriurs rapreschantants o ulteriuras rapreschantantas da l'administraziun, la perscrutaziun e l'instrucziun

La suprastanza da la Gruppa da silvicultura da muntogna ha seguaintas incumbenzas:

- Guida strategica ed administrativa da la Gruppa da silvicultura da muntogna
- Preparaziun da las dietas in collavuraziun cun singuls commembers
- Identificaziun a temp da svilups chi regardan il god da muntogna
- Sgürar la coordinaziun e reticulaziun cun otras organisaziuns
- Rapreschantaziun publica da la Gruppa da silvicultura da muntogna
- Il manader dal Center per la silvicultura da muntogna rapreschainta la Gruppa da silvicultura da muntogna illa Conferenza dals silvicultuors chantunals (KOK)

Activitats

La Gruppa da silvicultura da muntogna perseguitescha seis böts cun seguaintas activitats:

- Organisaziun e realisaziun regulara da dietas da lavur cun documentaziun detagliada accessibla al public:
 - Üna dieta d'inviern d'ün di
 - Dieta estiva da duos fin plüs dis
- Radunanza generala, per regla i'l rom da la dieta d'inviern
- Installaziun da surfatschas dad observaziun e demonstraaziun silviculturalas
- Posiziuns sün process politics actuals
- Collavuraziun pro lavuors da perscrutaziun
- Collavuraziun pro activitats d'otras organisaziuns cun üna relaziun als temas da la Gruppa da silvicultura da muntogna
- Cofinanziaziun da progets importants da terzs in ün rom limità

Dasper quistas activitats regularas s'ingascha la Gruppa da silvicultura da muntogna in diversas fuormas per las fatschendas dal god da muntogna.

Finanziaziun

La Gruppa da silvicultura da muntogna as finanziescha cun las contribuziuns per las dietas da lavur. Las contribuziuns vegnan determinadas tenor ils cuosts aspettats.

Herisau, 24. Ottobre 2016, Vnà 28 december 2016 (trad. Gianna Könz)